

**Protocol no. 51**  
**Sezzüda da lündeschdi, 8 marz 2010, 20.00 – 22.35**

**Preschaints:** Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

**Protocol**

Il protocol no. 50 da la sezzüda dals 22 favrer 2010 vain approvà.

**414 021 FABRICA**  
**Rita e Flurin Nuotclà – Chasa nouva – Saglina**

Il schef da fabrica orientescha chi saja gnü inoltrà il dossier d'energia e chi saja gnü suottascrit la decleranza chi detta üna 1. abitaziun.

**415 300.365.50 Contribuziuns e donaziuns diversas**  
**Dumonda da sustegn – Chamonna Tuoi**

Sün dumonda da la secziun dal CAS Engiadina Bassa conceda il Cussagl cumünal ün sustegn da fr. 1'000.-- per la renovaziun e pel ingrandimaint da la chamonna Tuoi.

**416 810.309.01 Cuosts generals e scolaziuns dal personal**  
**Scolaziun capolavuraint – Hannes Pfranger**

Hannes Pfranger dumonda scha'l Cussagl cumünal til admetta e til sustegna ch'el possa absolver la scolaziun sco capolavuraint. Per ch'el nu manca massa suvent dal lavur, frequentess el la scoula d'urant trais ons.

Il Cussagl cumünal decida da surtour ils cuosts da la scolaziun (fr. 11'230.--). Ulteriuras spaisas per viadis, pernottaziuns e mangiar etc. chi stan in connex culla scolaziun han da gnir surtuts dad el. El as oblaja da lavurar davo finida la scolaziun almain da tuot amo 5 ons pro'l Cumün da Sent. Davo finida la scolaziun nu vuol dir ch'el gnia impiegà ed indemnisa automaticamaing pro'l Cumün sco capolavuraint.

**417 810 ADMINISTRAZIUN FORESTALA**  
**Elavuraziun d'ün concept per la gestiun da god**

Il Cussagl cumünal decida da laschar lavurar oura variantas pussiblas per ün concept per la gestiun da god (Scuol, Sent, Ramosch e Tschlin), co stat propuonü dals capos da quels cumüns illa discussiun dals 2 marz 2010 a Ramosch. Il cumün da Ramosch nun ha pel mumaint impiegà ingün silvicultur cumünal e ponderescha da tscherchar üna soluziun regiunala. A Sent vegnan fattas bleras lavurs stradalas dals lavuraints da god. Quist fat sto in mincha cas gnir resguardà illas variantas per ün concept regiunal. L'elavuraziun da las variantas vain fatta dal Chantun (Uffizi da god). Sent nun ha pel mumaint ingün bsögn d'agir e nu sta suot squitsch sco oters cumüns.

**418 800.314.01 Mantegnimaint da chamonnas da paster  
Chamonna da l'Era**

Il schef da fabrica orientescha cha la Società da bescha haja eret illa chamonna da l'Era üna duscha. Il Chantun pretenda uossa per la chamonna üna sarinera. Il scumpart da cuosts per quist' investiziun es il seguaint:

- La Società da bescha surpiglia ils cuosts da l'annex culla duscha e las lavuors da finischiun vi da quel.
- Il Cumün surpiglia ils cuosts e l'erecziun da la sarinera.
- La Società da bescha surpiglia ad agens cuosts tuot il transport da material in connex cul fabricat dal annex e da la sarinera.

**419 710.501.09 Sanaziun sarinera Sot Ruinas  
Lavurs d'adattamaint – Credit fr. 30'000.--**

Pro üna controlla tras la SUVA s'haja constattà chi detta, impustüt pro las installaziuns da gas, mancanzas da sgürezza. L'investiziun totala s'amunta sün fr. 155'000.--. Il scumpart es il seguaint:

- Scuol fr. 101'000.--
- Tarasp fr. 24'000.--
- Sent fr. 30'000.--

Il Cussagl cumünal deliberescha ün credit da fr. 30'000.-- per far quistas adattaziuns necessarias. La lavur ha da gnir fatta fin als 30 gün 2010.

Il schef d'aua e chanalisaziun orientescha chi saja gnü preschantà il quint final da la sanaziun da la sarinera Sot Ruinas chi serra giò seguaintamaing:

Cuosts totals d'investiziun:	fr. 4'718'000.--
Preventiv (2001)	<u>fr. 4'500'000.--</u>
Surpassamaint da	fr. 218'000.-- (4.9%)

L'incharimaint da fabrica dal 2001 fin al di dad hoz importa ca. 10 %, uschè cha'l surpassamaint sta aint il rom da l'incharimaint.

**421 Varia  
NFA**

Il Cussagl cumünal interpretescha il na da la populaziun sco üna tscherta disfiduzcha invers las instanzas politicas chantunalas e cumünalas.

L'actuar: